

Chuailo

Forthnightly Newsletter



Vol. No. X Issue No. 4

KOLKATA MIZO STUDENTS

21st July, 2013 (Sunday)

FRESHERS KOH KHAWM AN NI

Dt.13.07.13 khan Mizoram House Ballygunge-ah zirlai admission tithar leh zawng mekte chu KMS hruiatute'n kokhawmin thil pawimawh hrang hrang an sawiho.

Kumtina kan lo tih thin angin zirlai admission zawng mek leh admission titharte kokhawmna hun chu dt.13.07.13 khan neih a ni a, kal an thahnem hle. He hunah hian zirlai hruiatute leh zirlai tharte'n thil hrang hrang an sawi ho a, admission la hmulote hnen atangin an harsatna te ngaihthlak a ni a, admission zawn zel dan tur kawhhmuh an nih bakah a buaipuitute pawhin thahnemngai taka lo buaipui chhonzawm zel tura ngen leh hriattir an ni. Hetih lai hian admission hmu tawhte hnenah pawh Kolkata nunphung leh khawsak dan, thil tul pawimawhte inhrihriatna hun hman a ni bawh. Tun dinhmunah hian admission zawng tam zawkin an tifel tawh a, la tifel lo engemawzat an la awm bawh a ni.

CMCS

Biakin inkhawm programme

Chairman-Maj Lalramliana Hnamte
Tantu-NI Zosangliani
Thusawitu-Rev Lalrinmawia
Special Item-NI Lafakzuali Pachuau
Thalai Fellowship programme
Hruaitu: HK.Hmingthanzuala
Tantu: Malsawmkima
Bible chang sawi rual:
Zirkunga Chhangte
Programme: Sermon
Sawitu: R. Lalawmpuii

SUNNA

Pi Chinhawihniangi chu dt.12.07.13 khan a boral a, KMS member-te'n buaipuiin, AJC Bose Road Kolkata thlanmualah dt.16.07.13 khan vuiliam a ni. Lusun chhungte kan tuarpui takzet a ni.

Zirlai tharte kokhawm zawhah hian KMS Executive Committee thutkhawm nghal a ni a, admission zawng mekte buaipui zel dantur bakah freshers' social hman dan tur programme te duan a ni.

Freshers' Social Comperere tur hi Lalmuanpuia Chhangte leh Jenifer Vanlallawmawmte an ni. Special Items-Summer sport a KMS Basketball team leh KMS Executive Committee atangin a awm ang a, zaithiam hrang hrang zai ngaihthlak tur aawmdawn bakah Mizorama Comedian lar tak chah thlak tum a ni.

Hemi niah hian a hun tak, dar 3:00 a thleng hman tan ruai coupon a free ang.

ZIRLAI TITHA

2012-2013-a kan Exe. Committee member tangkai t a k NI. Vanlallawmkimi (Lki), chuan calcutta university atangin 1st div-a h pass-in a graduate chhuak a, a hlawhtlinnaah kan lawmpuiin kan chhuang takzet a, a zir leh zel na turah duhsakna kan hlan e.



LUCKY TICKET

KMS-in lucky ticket kan siam chu leitur tlem a la awm a, Executive Committee member-te hnenah lei theih a ni. A vawr hun tur hi freshers' day- 09-08-13 ah a ni ang.

Tualchung...

St.Xavier's College: Senior, mahni zirlai zir zoa chhuak tur an awm nual a, chutih laiin fresher engemawzat an nei thar dawn bawh a ni; Kum dang ang bawkin a tam ber chu B.Com zir tur an ni. Tunah hian first year admission ti turte chuan an tifel thawkhat vek tawh.

Scottish Church College: Admission an tizo thawkhawt tawh a, tunah hian a then chuan hostel lam an buaipui mek nia hriat a ni. Anni College-ah hian kumin chu Freshers kan ngah dawn niin a lang.

Bhawanipore College: Anni lamah pawh hian senior chhuak tur an nei nual a, lut thar tur an awm rualin tun dinhmunah hian an tam lutuk lo niin thu kan dawng.

Jadavpur University: J.U ah hian hun engemawchen atang khan Mizo zirlai kan ngah lo thin a, kuminah hian Master zir tur engemawzat kan nei thar dawn niin kan lo hria.

S.A Boys and Girls: Mizo zirlaite kan inkulh khawm tamna ber thin SA Boys leh Girls hostel lamah pawh tunah hian admission tih tum leh ti mek engemawzat an awm leh tawh a, chhuak tur thenkhat awm mahse a khawhar lo tawh chu an awm leh dawn niin a lang.

Hetih lai hian zirlai admission zawng mek leh ti tawh engemawzat chu awmna tur la tifel chiah loin Mizoram House lamah an la awm rih bawh a ni.

Hlahna hi mi huaisen ber thinlungah pawh a lut ngam.

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluaia



Enkawltu Kamliam

Keimahn

Chuailo pawh tluang takin kan chhuah ve thei zel a, thahnem min ngaihputute leh kan sawmna ngai pawimawh a, thuziak min pe thintute chungah kan lawm takzet e.

Kan hriat theuh angin Chuailo hian man a nei lo a, a thlawna sem thin a ni. Kan hma hun engemawchen atanga an lo tih thin danin a chhuah apiang hian Executive Committee member-te'n cheng 50/- emaw theuhte thawhkhawmin kan lo kalpui ve hram hram zel a ni.

Tun Issue atang hian Committe member-te'n thawhkhawm tawh loin, a chhut man vel chu KMS pawisa neihsa atanga hman thin a ni tawh ang. Hetih lai hian KMS sum dinhmun min hriatputute leh min duhsaktute tan chuan Chuailo chhutna man hi engtik lai pawhin vawikhat chhuah man cheng 500/- in a sponsor theih reng a ni.

Hetia Chuailo kan han buaipui hian kan phur deuh chang chuan chawlhni tina tihchhuah te pawh kan chak thinin kan tum deuh ut ut thin a; Mahse Kolkata-a Mizo heti zat lek zingah chuan rin aiin chanchinthar leh ilo chhuah tur a awm reng mawh khawp mai. Chuvangin kan thuziakmite khan theih tawp rawn chhuah ula, thu chhuah tur kan nei phawt chuan Chawlhni tina tihchhuah pawh kan hruaitute'n an inhuam em em a ni.

A tawp berah chuan Chuailo kan chhuah hian a buaiputute chuan, 'miin engtin nge an lo ngaih ang' tih hi kan hre chak thin. Kan thil ziah sual leh kan tihsual chiang deuh deuh te pawh tumahin an rawn sawisel loh hi chuan hlawhtling lo riaua inhriat mai te pawh a awl rum rum zawk thin. Chuvangin kan thu chhuah, a chhia a tha min han hrilh a, fuihna leh sawiselnathute pawh min hrilh bawrh bawrh thin turin kan sawm nawn leh che u a ni. Chuailo hi kan zavaia ta a ni a, Kolkata-a Mizo chanchinbu kan nei chhun ang a ni si a.

Mizoram lam chanchin....

SIKUL KHAR TUM

Vanbawng Students' Union chuan Vanbawng khuua sawrkar sikul awm zawng zawng Headmaster an nei loh vek avang leh sawrkar an ngennain awmzia a nei loh chuan August ni 1, 2013 atangin Vanbawng khuua sawrkar sikul awm zawng zawng chu khar an tum.

BANDH HUAIHAWT TUM

Mizo Students' Union (MSU) general headquarters chuan sorkar hnathawk, grade pay Rs. 4,400 chin ching lam zawng lakna Mizoram Public Service Commission hnena pe tura Mizoram sorkar an ngenna sorkarin a tihhlawhtlin loh avangin July 30, 2013-ah Aizawl khawpuiah total bandh huaihawt an tum.

ZIRTIRTUIN CHAWCHHUN TEM HMSAK TUR

Serchhip District Education Committee, chairman Juhi Mukherjee, Serchhip DC hoa thukhawm chuan sikul naupang chawchhun sem a nihhmain zirtirtute'n an tem hmasa tur a nih thu an sawilang a. Juhi Mukherjee chuan, tun hnaia Chhapra, Bihar-a sikul pakhat naupang chawchhun ei vanga boral zirlai naupang 23 chhungte a tawrhpuithu leh pawia tih thusawiin, "Hetiang thilhi a thlen ve lohna'n Zirtirtute'n chawchhun an tem hmasa tur a ni a ti.

article chhunzawmna...

Inkhawm ban dawn ah kan hotupa (leader) in "thu awihloh vanga midang chhuah rual a chhuak ve lo tur" ti a kan thianho hming a rawn lam diat diat chu a paw ngei mai. Pawi ta em em zawk chu mi chhuah rual a kan chhuah ve loh chuan 'tarmit bun-i' hmuh lai in keini ai dawih te kan hnek thei dawnlo a ni! Hun a kal zel a mi thiamna leh finna te a than chhoh mek lai in kan thianho pawh kan taksa leh rilru te a lo thang ve zel a, Siamtu in leiah mihring te min dah chhan pakhat (1) chu ti hlawhtling ve tur in engtikni ah emaw chuan nupui nei te kan la ngai ve hlawn ngei dawn si a, chumi vang chuan 'tarmit bun-i' ringawt ngaizawng thin khan mahni pual in bialnu te nei ve al o ngai ta! Harsa ti in phurlo sateh mah ila khuarel hi kan dang zo thei dawn silo a, rualawh ava na thin tehlu em.

Khatih hunlai khan 'tarmit bun-i' khan a tarmit kha lo bun tak tak ta sela a tarmit kha a tlo lo awm mang e! pen khatah a rap chhe vek awm sia, a bun nge a vuah tih tur pawh kha lo hrelu in vai chhangur thleng khan a tarmit inhmeh zia kha kan lo hrilh ve chamchi thin a; nimahsela a bun emaw, a vuah emaw khan pawina a nei lo, kan ngaihawmna ah buaina a thlen ngailo hrim hrim a, a hming kha 'tarmit bun-i' a ni reng tlat tawh a. Kei hi lo ral in ka taksa leh thinlung te hi lo tawihral vek tawh mahse 'tarmit bun-i' khan ka thiant thinlung ah kha a tarmit kha vuah lo in ala bun reng ngei ang.. :))

article

TARMIT BUN-I

-Dinpuia Hmar.

"Tarmit pawh a bun" ti a tu emaw kan thiante zing ami in a sawi kha chuan hmeltha em em tur ah kan han ngai nghal ringawt mai thin a, hmuh ve kan chak nghal ut ut a, thiante'n an han hmu bik mai chu Pathianni ah lo lehngal, vannei kan ti em em a, hmuh kan chak ve zia kan hmeh ah a lanchhuah nasat em avang khan dawt hlir pawh sawi se awihlo thei kan ni lo. A chhan chu an hmeichhe hmuh leh a chanchin an sawi khan "tarmit a bun" tlat a.

Unau hmeh hai ah pawh haw nachang kan la hrelo, a sawitu in a sawi tui bawka, a ngaithla tu lah a sawitu ai in kan lo phur emaw tih mai tur a ni. Engdang mah ngaihtuah lo a "tarmit bun-i" chanchin kan han ngaihtlak lai chuan chungte'n chaw ei tur in minlo zawng luih luih tawh a, a tawpawh chuan kan awmna an lo hre fuh palh ta hlauh mai. engkim a paw zo ta vek mai, 'tarmit bun-i' chanchin kan ngaihtlak tui lai tak a kan chungte'n min lo ko ai mah chuan a ruk thei ang ber a kan sak, kan buk (in lem) awmna kan chungte'n an lo hrechhuak ta kha a paw a ni, a paw!

In kan thlen vele chhung inkhawm-na kan han nei nghal a, chaw ei pah in min hau a ngem tih ngaihtuah pahin hmai a thlanfim lo luang chu ka han hru pawp pawp a, tawngtai lai in vawikhat ka han mengru leh palh zeuh mai, chaw ei tur a ka haw tlai ai a paw zawk, a chhan chu ka pa in kamengru nge mengru lo minlo en reng chu ni in! Tawngtai lai a ka menruk vanga Van a Vantirh koh te an lo lungngaihna ai chuan ka pa min hauha tur ka ngaihtuah vanga ka rilru hahnakha a nem bik chuango ang.

Chaw ei hma chuan school ban a home-work ka tih leh tihloh min zawt a "aw" ti a ka chhan rual chuan hnunglam atang ka beng a rawn pawh pah in "tuivawt in va inbual rawh chaw ei siam chung in" a rawn tih chuan ka rilru hahna leh lungngaihna kha chhete mah in a la kiang hau lo, phur lo tak chuan ka han inbual zo ve ta hram a. Ril a tam tawh bawk nen huhhluam in kan chungkaw zanriah eina dawhkan chu ka han kil ve a, rin leh hriat lawk ang ngei in min hau chu an tan ta- an thusawi zawng zawng chu ka lo ngaih ve dan ah chuan tha in dik veklo mahse ka nu leh pa te thusawi a nih vang chuan tha leh dik tih hmeh tak a buk nghauh nghauh pah chuan ka chaw bar chu ka thulh phah eih lo.

Zanriah einate kan tihfel zawh chuan thutha min hirih zawng zawng te, zanah chhuah loh tur an tihte chu hre reng mah ila phuarbeh reng ni biklo chu rilru ah pawt tu a lo awm reng nen, thu awih zir tum reng pah chuan an hmuh loh hlan chuan rang lutuk in kan buk (in lem) lam chu ka pan thlaleh ta a, thiante an lo kim leh deuhthaw tawh a, lakimlo tlemte chu an MEIZIAL BUNG ZAWNG an lo la let lo mai chauh a ni tawh a. Ka school ban pah a ka chhar haw ka dahthat chu ngaw ireng in ka han lachhuak a, a sei that hlawm em avang chuan ngawi reng amin lo en rei thei dawn lo tih ka hriat avang chuan "tarmit bun-i chu..?" ti a titi tan leh pah chuan mit leh chilthli tla dawn a ka meizialbung tan lo thlirtu chu ka han sem ve a.

Ka chungte thusawi kha la hrereng mah ila a aia awlsam leh nuam zawk "tarmit bun-i" chanchin ka ngaithla leh chak tawh lutuk tlat.!! Kan thiante dang pawh alo thleng zui ve a, chaw eikham meizial te kan han zukruk zawh chuan thilthar ngaihtuah chhuah em em kan nei hran leh ta chuango a; mahse kan ti ti ber chu kan hmehma te buk ral leh lam ami kan hriatchhuah thar kha kan va suam ang nge? "tarmit bun-i" chanchin kan sawi leh dawn nge ni a kan meizial rim hi kan tireh anga kan u te nula rim kan zui ru ve dawn? Duhtlan tur tamtak awm zingah chuan han tihchak loh em em kan nei hran lo. A chhan chu eng pawh ti ila thianho chuan a nuam em em vek a, a hlimawm em em vek bawk. Mahse ngaihtuahna thar kan neih chu kan hmehma te buk va suam ta ila an lo awm lai a nih chuan kan intibuai leh ang a, an nu leh pa te leh kan nu leh pa te'n min hau leh dawn bawk si. Kan u te nula rim zui ru dawn ila min hmuh palh chuan min vel leh dawn bawk sia.. 'tarmit bun-i' chanchin sawi chuan kan inlungual leh ber dawn. chubakah kan bialnu duh em em 'tarmit bun-i' kan sawi vang chuan tuman min hau in min vel dawn lo a, kan muttui phah ringawt dawn a ni.

Hlim tak a thiante nen zing, tlai, zan a han inkawm chuan chawlhkar khat kha a reilo thin khawp mai. Pathianni hi nuam kan ti em em thin a, a chhan chu Sunday School ah kan bialnu em em 'tarmit bun-i' kan hmuh theih thin vang a ni. Chawhma inkhawm tur in nalh leh fai thei ang ber in nu ten min han chei a, kamis in benglut thlap in min han chhuah tir ve a, thianho kan inhmukhawm kim chuan nalh leh fai in awmzia a awmlo, chu ai chuan biakin kawt a in-dehchan kha a nuam lutuk tlat. Nalh leh fai tak a chhuak ve thlap kha dar a rik meuh chuan kawrkil 1 tal kha alo tla hman ziah thin kha a hunlai chuan pawh tihna nei lemlo mah ila chungte hmuh rual kha chuan pawh thin tak a ni!

Biakin dar rik rual a kan luh khan zirtirtu te an lo la awmlo a, hlim lohna em em kan la nei hranlo. Tarmit bun-i a rawn luh chiah pheih chuan chawlhni hmasa a kan thianho zing ami nilo kan velh vanga zirtirtu te hauh tuar tur tih pawh in hrelo in rilru alo nui ver ver thin. Kan han infiam zui leh nghal a, 'tarmit bun-i' hmazawn a midang han khawihrak vel kha nuam tak a ni. Zirtirtu lo thleng hmasa te chuan tawp tur a min tih rual in "nangmahni hi a nimaw chawlhni hmasa a mi lo vel kha? banah kan hrem dawn che u" min han tih kha chuan hmeh kha ava uang zui lo tehreng em.

(Phek hnihnaah chhunzawm a ni)

GAY LEH POWELL

World champion lo ni tawh leh 100m world record lo nei tawh Tyson Gay leh Asafa Powell te c Drugs test-a an fihlim loh chanchin chuan tun lai infiamna khawvel a barakhaih hle.

American Gay, kum 30 mi hi 100m tlanchak ber a ni tawh thin a, US Anti-Doping Agency chuan May thlaa a sample -ah damdawi a hmang a ni tih an puang a, Jamaican tlanchak Powell, kum 30 mi pawh test-ah a fihlim bik lo a ni.

FOOTBALL TRANSFER TITI

Manchester United chuan transfer market-a boruak nei hat tur khawpin Tottenham midfielder Gareth Bale chu £60million laia dawr an tum thu Daily Mirror chuan a sawi. Uruguay striker Edinson Cavani chuan Napoli chhuahsanin Paris St-Germain azawm ta. Pound maktaduai 55 man Cavani



hi football khawvela player manto ber palina a ni ta. French football history-a player man to ber niin Monaco-in Radamel Falcao an leina pound maktaduai 50 chu a khum bawk a ni. T u r k i s h c l u b Trabzonspor chuan Chelsea winger hlui Florent Malouda an lalut. Malouda hi season liamta tawp rual khan Chelsea chuan an release a, Europe-a club hrang hrang sawmna a hnawh hnuah Trabzonspor hi a thlang ta a ni. AS Roma chuan thuchhuah siam in, Manchester City atangin Brazilian defender Maicon an lak luh thu an puang.

HINGIS A LO KIR DAWN

Grand Slam singles- a wawi nga champion tawh leh Kum 2007-a chawl ta Martina Hingis chuan Tennis a khelh leh tur thu a puang. Hingis hian tun thla tawp lama California Open-ah doubles-ah khelh a tum a, Slovakian player Daniela Hantuchova nen an inkawp ang.

CHELSEA-IN SAUBER TANPUI

Formula 1 team talbuai Sauber in 2014 a F1 thleng ve tur(Russian GP) Russian mi hausa hrang hrang an thawhpui thar hnuah Chelsea FC neitupa Roman Abramovic pawhin sum engemawzat Sauber tan hian thawhin Share a nei ve dawn ta. Heti hian Sauber team car-ah Chelsea FC logo tarlan a ni ve tawh dawn a ni. Heihian Chelsea fans pawh a tiphur hle tura ngaih a ni.



Pro Pic thlak zawh chiah hi chuan mood a fuh thei..

-Siami

Sawmtea(Secy) chu Ulhbuna kah ve chi a ni lo, AN chhe vek a ni mai.

-Tlinga



Kan Financial Secretary pawh hi a vanglai chuan a bei ve nasa thin khawp mai.(Pic: KMS Fin.Secy leh Fabregas te'n ball an inchuh :))

Hriat loh laiin Lawma Drama Party-ah Senior member kan lo ni ve ta der mai.

-Siamsiami

Hlaril....

Amah (Pathian) Avangin

*Lirthei tam tak inhung zingah hian,
'Ka ta' tih tur ka nei ve lo va.*

*In sang tak tak ding thup zingah hian,
'Ka in' tih ngam ka nei ve lo va.*

*Pawisa chhiarsenloh awm zingah hian,
Pawisa chhiartham pawh ka nei lo va.*

*Kawvel thil neih tur tam takah hian,
Ka ta tih tur nei lo mah ila;
Amah (Pathian) avang chuan mihlim niin,
Engkim ka ta a ni zawk si a.*

-Rinzuala Khawhring